

三皇五帝

卷

五

序

通鑑
略
卷一

序

江陰沙定峰先生爲雲樓大令族祖著作甚富

綬名

壬寅癸卯間爲楚粵之遊道出鄂渚因江

湘雲茂才得與雲樓交雲樓出定峯先生遺藁
讀史大畧六十卷屬余與湘雲校訂將以付梓
余讀之竟而嘆先生之邃於經史上下數千年
辭慎義嚴自謂窮四十載忘寢輟食之力而成
殆非虛語嗣雲樓旋歸道山而湘雲獨力校讐

商諸同好壽之剗劖郵寄於余乃不數年而武昌屢遭兵燹是書仍爲灰燼綬名公餘之暇誦讀數過喜此書之有裨於天下後世而與古人著史者相韻頤也爰爲之校讐而付諸剗劖以俟後之君子採擇云

咸豐七年丁巳嘉平月大興後學邵綬名序

原序

史以翼經史而有論又相爲經緯者也維是風會遞嬗
述代增紀事編年正史私史雜史之纂輯流傳難更數
嗜古好辨之儒務矜己見領異標新舌幟蠶起形諸篇籍
出入牴牾不啻六經傳註之糾紛蓋舛言人人殊著錄雖
繁求其明體達用精覈貫串瞭然於上下數千年治亂興
衰之故辨其是非曲直予奪褒譏折衷至當卓然如劉子
元之史通孫之翰之唐論可法可傳膾炙人口者正無幾
見他非穴阱膠瑟迂曲謬悠則又創爲新奇誕怪之譚假
名義以自文其說脈釵痕求妄肆譏詆此有書不如無書
三代後無完人昔賢所由致慨也國初澄江沙定峯先生
裒經世才所學尤邃於史既鬱鬱無所施常病史裁之未

能顓一迴嚮之無所適從於是汎濫諸家涵泳旨趣觸類
引伸闕惡攷善辭慎陽秋義嚴褒貶窮四十載忘寢輟食
之力而成讀史大畧一書其大要以推明正統扶植綱常
端好尚而熄奇衰於黃虞子姒周秦以下治術學術升降
隆替之始末成敗得失之所由致薰蕕枯苑之所以分部
居鱗次不憚抉微闢幽事求其是而各當其可語創理醇
意在拯前人臆斷橫決之失粹然協於大中至正之軌俾
天下後世之留意世變而有志奮興者在上下咸有所
取則焉其用心爲至勤懇已書成於康熙中會
聖廟有訪求遺書之舉有司承檄蒐採首以錄上於時撫
吳者爲大宗伯儀封張清恪公讀而趨之將呈
乙覽憂去未果閱數十年番禺協揆滋圃莊公出撫吳中

雖聞此書之善從其及門處借鈔一通歎爲僅見時四庫未開亦未以申諸

朝也後歸於其族孫雲樓大令所雲樓矢志表章顧軼掌簿書未遑刊布今年春始以藁本見屬旋歸道山逸旣服膺名言重以黃壚之感念業負諾責胡可中尼爰爲理其紊佚剔其魯魚其間援据本事稍有未確者亦皆廣求善本訂正移易以期歸於盡善迄歲杪而歲事蓋至是而先生之願可無負而雲樓數年以來深弄遠挈珍惜愛護雅意紹述之苦衷亦可以大慰矣昔公穀同傳春秋左最晚出後乃大顯是書梗概竊謂與有元胡氏一桂十七史纂古今通要明邵氏寶學史相頡頏而綜核駁洽質實不阿體大思精覺有過之無不及胡邵書久行於世先生此函

迄今尙未邀論定神物之隱見有時意者亦如盲左之愈
久愈新俎豆藝苑乎惜限於物力先生他著述尙多未能
一一爲之校讐論次悉以壽之梓人質諸閎達也
道光丙午小除夕海甯後學蔡逸序

本傳錄江陰縣志文苑傳

沙張白字介臣諸生幼負異姿長益肆力於學凡天文地理元黃王遁之書靡不馳騁貫串嘗著史論起結繩至明代次其是非得失獨闢戶牖能補涑水考亭所未發樂府出入漢魏王士禎貽書曰樂府絕響久矣僕行江南僅見足下爲人雋爽豪邁與人言傾胸臆無所隱性兀傲恥奔競入都馮溥魏裔介交口譽之王崇簡延之家塾尋謝歸閉戶著書卒子震字農起晉字桐昉俱能文晉尤具夙慧髫齡卽能佐父作史斷人呼爲小沙子

按先生字介臣志作介人誤茲据家

正傳改

王生斯世欲闡明聖賢義蘊上以堯舜君民下以嘉惠後
學舍經術治術莫爲功矣顧以訓詁釋經以空談論治不
若取二十一史中古人已行之事鑿鑿焉詳其義利公私
之辨成敗得失之分可以敷陳法戒開拓心胸且論史而
經在其中也白少有史癖讀史之暇往往掩卷深思以已
意論列之初無意於成書也自開闢以迫元季久而積之
遂成讀史大畧六十卷未嘗蹈襲前人一字獨抒心得與
致堂胡氏靜軒周氏兩先生互相觸發者居多凡其中人
品之賢姦心術之邪正聖賢異端之迥別王道霸功之懸
殊以至事爲千古之疑案如桑林身禱太王翦商之類古人有不能白
白之隱衷如司馬遷先黃老王且諫天書之類莫不以意逆志曲爲辨雪
頗能發千秋未發之秘其尤大者發明陳承祚身爲晉臣

因晉受魏禪不得已帝魏黜蜀之苦心欲改三國史爲蜀
漢書發司馬溫公歐陽廬陵朱紫陽身爲宋臣不得已仍
宋太祖薛居正梁唐晉漢周舊史之謬欲改五代史爲南
唐書謂二史正而後百代有全史也亡兒晉著有小沙子
史畧一卷絕筆西漢不忍埋沒附之帙中蓋竭四十餘年
之精力而後告竣雖芻蕘末議不足當金匱石渠之藏然
可爲聖君賢相論道之資可爲學士大夫稽古之助於經
術治術皆不無小補云更有拙著樂府古詩近體各詩沙
子選四書豁詩經豁四書五經一貫唐律晚細李杜合選
醉禿叢談詩餘雜著等書卷帙浩繁無力付梓有知我者
爲表章是小子自之所厚望焉

甲子春正江陰布衣定峯沙張白謹識

小引

先族祖定峯公著讀史大畧六十卷當

聖祖時有司嘗應

詔采錄未及進臺本在家殆將散佚心培得而寶之敬謹
藏弃自惟承學日淺於史籍少所研究無能通知公之深
意顧嘗博觀昔之論史者矣有儒生之論有才士之論有
經世大賢之論儒生舉義例嚴褒譏其失也苛細才士好
馳騁以成敗繩人其失也濶畧夫史籍雖繁治亂之迹可
攷而知也至於真僞在心術邪正在品誼王霸純駁之辨
經權常變之宜其介判於微眇其義至深遠而難知越數
千載下欲取數千載上之人與事而予之奪之揆之度之
如衡誠懸不可欺以輕重繩誠陳不可欺以曲直此豈苛

細濶畧者所能及哉自非經世大賢莫由定百代之疑案
矣公肆力全史者垂四十年身不獲進用當世退而借史
事著之言論將上以發前人之覆而下以貽來事之師窮
理精觀變深其於心術品誼之隱王霸經權之大推而析
之豁如也庶幾乎有大賢經世之心者歟心培束髮走風
塵困於吏事懼此書之久而無傳也力謀付之剞劂嗟乎
于興孟氏及董江都王仲淹皆非欲以著書自見者身不
見用猶冀言之見用用其言不啻用其身也大賢之不忍
忘世也如是覽是書者可以得公之苦心矣附小沙子史
畧一卷公季子桐昉公著也有雋才而嗇於年公勸焉并
梓諸後

道光二十六年二月季望七世族孫心培謹述

讀史大畧總目

卷首

原序

本傳

自序

小引

第一卷

開闢至五帝紀

第二卷

夏紀

第三卷

商紀

第四卷

周紀

第五卷

東周紀

第六卷

東周紀

第七卷

東周紀

第八卷

秦紀

第九卷

西漢紀

第十卷

西漢紀

第十一卷

西漢紀

第十二卷

西漢紀

第十三卷

西漢紀

第十四卷

西漢紀

第十五卷

東漢紀

第十六卷

東漢紀

第十七卷

東漢紀

第十八卷

東漢紀

第十九卷

東漢紀

第二十卷

蜀漢紀附魏吳

第二十一卷

蜀漢紀附魏

第二十二卷

蜀漢紀附吳

第二十三卷

晉紀

第二十四卷

東晉紀

第二十五卷

東晉紀

第二十六卷

南北朝宋齊梁陳
北魏東魏西魏高齊宇文周

第二十七卷

南北朝紀